

Tunatakaswa Kama Kristo Alivyo Mtakatifu

Na kila mwenye matumaini haya katika yeye hujitakasa, kama yeye alivyo Mtakatifu—1 Yohana 3:3.

Yesu anataka kuadilisha na kutakasa akili ya mwanadamu, akiitakasa katika uchafu wote, ili aweze kuuthamini sana upendo usio na kifani.

Kwa njia ya toba, imani na matendo mema anaweza kukamilisha tabia ya haki na kudai, kupitia kwa ustahilifu wa Yesu Kristo, haki za wana wa Mungu. Kanuni za ukweli wa Mungu, ukipokelewa na kuthaminiwa moyoni, utatufikisha katika kilele cha ubora wa kimaadili ambacho hatujawahi kufikiri kuwa inawezekana kwetu kufikia.... “Na kila mwenye matumaini haya katika yeye hujitakasa, kama yeye alivyo Mtakatifu.”

Utakatifu wa moyo na usafi wa maisha zilikuwa ni mada kuu za mafundisho ya Yesu. Katika hubiri Lake la mlimani, baada ya kuweka wazi kile ambacho ni lazima kifanywe ili kubarikiwa na kile ambacho hakipaswi kufanyika, Anasema, “Basi ninyi mtakuwa wakamilifu, kama Baba yenu wa mbinguni alivyo mkamilifu.” Ukamilifu, utakatifu—hakuna kilicho pungufu ya haya kingewapa mafanikio katika kutekeleza kanuni alizokuwa Amewapatia. Pasipokuwa na huu utakatifu, moyo wa mwanadamu ni mbinafsi, uliojaa dhambi na mpotovu. Utakatifu utamsababisha yeye aliye nao kuzaa matunda na kuzidi sana katika kila kazi njema. Kamwe hatachoka kutenda mema; wala kutafuta cheo katika ulimwengu huu; bali atangojea kupandishwa cheo na Mungu wa mbinguni pale Atakapowainua watu Wake waliotakaswa na watakatifu kwenye kiti Chake cha enzi.... Utakatifu wa moyo utazaa matendo ya haki.

Kama vile Mungu alivyo safi katika nafasi Yake, hivyo mwanadamu anapaswa kuwa safi katika nafasi yake. Anaweza kuwa safi ikiwa Yesu ameumbika ndani yake, Aliye tumaini la utukufu; kwa maana atafuatisha maisha ya Yesu na kuakisi tabia Yake.

Hadhi ya kifalme ya tabia ya Mkristo itang'aa kama jua na miale ya nuru kutoka usoni mwa Yesu itaakisiwa juu ya wale ambao wamejitakasa na kuwa watakatifu kama Yeye alivyo Mtakatifu. Usafi wa moyo utaongoza hata kufikia usafi wa maisha.